

Savaatilingorniartut ilinniartitaasarnert pillugu Namminersornerullutik Oqartussat nalunaarutaat

Inuussutissarsiutigut ilinniartitaaneq, ilinniagaqarnermut tapiissutit inuussutissarsiutinullu tunngasunik siunnersuineq pillugit Inatsisartut peqqussutaanni nr. 16-imi 28. oktober 1993-imeersumi § 1, imm. 3, naapertorlugu aalajangersarneqarput:

Kapitali 1

Siunertaa, sivilissusua aqqissuussaaneralu

§ 1. Savaatilingorniartunik ilinniartitsinerup siunertaraa ilinniartup atuartinneqarnikkut suliffimmilu sungiusarneqarnikkut savaatilitut inuussutissarsiuteqarnermi paasisimaqqaagassanik paasisaqartinnissaa savaatilitullu inuussutissarsiuteqarnermut tunngasunik piginnaanngortinneqarnissaa savaateqarfimmi suleqataalluurtunngorsinnaaqullugu. Ilinniartitsinerup siunertaraattaq ilinniartup savaateqarfimmi pisortanngornissamut piareersarneqarnissaa.

§ 2. Ilinniartitsineq ukiunik pingasunik sivilissuseqarpoq atuagarsorluni sulillunilu sungiusartarneq ataqatigiissillugit 2:3-mut naapertuuttumik sivilissusilimmik ingerlattarlugit.

Imm. 2. Atuagarsorneq ingerlanneqartassaaq atuarfimmi Kultureqarnermut, Ilinniartitaanermut Ilisimatusarnermullu Pisorta qarfiimmit akuerisaasumi.

§ 3. Ilinniartitaanermut ataatsimiititaliaq ilinniartup pisortaata inassuteqarnera malillugu ilinniarunnaarallartitsisarsinnaavoq tamatumunnga immikkut ittunik pissutissaqartillugu. Pissutissat immikkut ittut tassaasinnaapput ilinniartut:

- 1) napparsimaneq pissutigalugu ilinniarnermik malinnaasinnaannginnerat,
- 2) savaateqarfimmi ilaquttaminnik napparsimasoqarnera pissutigalugu ilinniarnerminnik kipititsisariaqarnerat imaluunniit
- 3) ilinniarnerminnik Norgemi imaluunniit Islandimi savaateqarfimmi sivilissuimallutik kissaateqarnerat.

Imm. 2. Imm. 1, nr. 3, malillugu ilinniarunnaarallartitsisoqarsinnaavoq ukioq ataasiinnaq angullugu sivilissusilimmik.

§ 4. Nunalerinermut tunngasunut ilinniartitaanernut ataatsimiititaliaq savaatilissatut ilinniartitaanermut ataatsimiititaliaavoq.

Kapitali 2

Ilinniartunnigornissamut piumasaqaatit

§ 5. Ilinniartitaanermut tiguneqarsinnaapput inuit

- 1) ilinniartitaanerup aallartinnerani 18-inik ukioqartut,
- 2) timimikku peqqilluartut,
- 3) kalaallit oqaasiinik kisitsinermillu piginnaaneqarluartut, aamma
- 4) tiguneqarnissamut misilitsinnermi angusisimasut.

Imm. 2. Tiguneqarnissamut misilitsinneq, sapaatip akunnerata ataatsip missaanik sivilissuseqartoq, atuarfimmit aqqissorneqassaaq takutitsissallunilu qinnuteqartut ilinniarnermi atuakkatigut sulillunilu sungiusarnermi malinnaasinnaannissamut piginnaassuseqarluarnerannik.

§ 6. Amerlanerpaamik inuit arfinillit ilinniartussatut ukiumut tiguneqarsinnaapput.

Imm. 2. Qinnuteqartut arfinilinnit amerlanerusut misilitsinnermi angusisimappata ilinniartitaanermut ataatsimiititaliap ilinniarfiup pisortaata inassuteqarneratigut qinnuteqartut piukkunnarnerpaat arfinillit toqqassavai. Toqqaaneq pissaaq qinnuteqartut ilinniartitsissutaasunut qanoq piginnaassuseqartiginerat, qinnuteqartut ilinniarnissaminut qanoq kajumitsiginerat pillugit ataatsimoortumik isummat kiisalu ilinniareerminni suliffissaqassangatinnarnerat tunngavigalugit.

Kapitali 3

Ilinniarnerpum imassai

§ 7. Nersutaateqarnermik ilinniartitsissutinik atuartitsinnermi lektionit 215-it missaanniipput, ima agguanneqarajuttartussat:

- 1) Savap fysiologiia, anatomiia (timaata sulisaasia, katitigaanera) pissusiilu... lekt. 20.
- 2) Savap piaqqiortarneranut tunngasut..... lekt. 40.
- 3) Nersutinik paarsineq..... lekt. 20.
- 4) Nerukkaatissat nerisitsisarnerlu..... lekt. 70.
- 5) Nappaatit eqqiluisaarnerlu..... lekt. 15.
- 6) Savat inaat..... lekt. 20.
- 7) Savap neqaata nioqqutissiarinera..... lekt. 10.
- 8) (Savap) meqqui..... lekt. 10.
- 9) Hiistilerineq..... lekt. 10.

Imm. 2. Nersutaateqarnermik atuartitsinnermi siunertarineqarput:

- 1) Savap fysiologianik, anatomianik pissusiinillu atuartitsissummi ilinniartup savap oqaluttuassartaanik, saarninik, nukinik, pisataanik pissusiinillu kiisalu tamakkua saniatigut savanik katersuisarnermik, savat piaqqisarnerannik nerisinneqartarnerannillu ilisimasaqalernissaa.
- 2) Savap piaqqiortarneranut tunngasunik atuartitsissummi ilinniartup kinguaariit pissusiinik, kinguaariinnik nalunaarsuinnermik, savanik piaqqiortitsinnermik toqqartuisarnermilu periaatsinik ilisimasaqarnermigut kinguaassioortitsinnerup pingaaruteqarneranik paasisaqarnissaa.
- 3) Nersutinik paarsinnermik atuartitsissummi ilinniartup meqquiaanermik, ivigartortitsinnermik, katersuinnermik, nuliartitsinnermik, piaqqititsinnermik eqqiluisaarnermillu ilinniartinnissaa.

- 4) Nerukkaatissanik nerisitsisarnermillu atuartitsissummi ilinniartup nerisassanut tamakkualu akoorneqartarnerannut, nerukkaatissiassanut nersutillu inuussutissanik pisariaqartitsinerannut tunngasunik ilisimasaqarnermigut nerlersuisarnerup pilersaarusiorneqartarnissaanut aningasartornannginnerusumillu ingerlattarnissaanut ilisimaqqaagassanik paasinnitsinnissaa.
- 5) Nappaatit eqqiluisaarnissarlu pillugit atuartitsissummi savat nappaatiginerusartagaat pillugit annertuumik paasinnitsitsinissaq, taama paasinnitsitsinikkut ilinniartoq eqqiluisartitsilluarnikkut, napparnaveersaartitsiniaqqissaarnikkut nakorsaatinillu atuinikkut peqqissunik savaateqartuaannarsinnaaqullugu.
- 6) Savat inaat pillugit atuartitsissummi ilinniartup savat inaasa qanoq sananeqartarnerannik, tamatumunnga ilanngullugit savat inaasa aaqqissugaasarnerannik atortulersugaasarnerannillu, savat inaannik assigiinngitsunik, kiisalu soorlu (atortunik) kingorassiinermi, iluarsaanermi aserfallattaaliuinermilu aningaasartuuteqartarnermut tunngasunik ilisimasaqalernissaa.
- 7) Savap neqaata nioqqutissiarisarnera pillugu atuartitsissummi ilinniartup sungiusarneqarnissaa savanik toqoraanermik, kiisalu neqinik agguinermik aserutsaaliuinermillu allanillu.
- 8) Savat meqqunik atuartitsissummi ilinniartup meqquiaanerup savamut sunniuteqartarneranik ilinniarnissaa aamma ilinniartup meqqunik immikkoortiterinermut, passussinermut piukkunnarsaanermullu sungiusarneqarnissaa, kiisalu ilinniartup meqqunik nioqqutissiornerup akissarsiutaasinnaaneranik ilinniarnissaa.
- 9) Hiistilerinermik atuartitsissummi ilinniartup hiistimik nerisitsinermik, ivigartortitsinermik, passussinermik atuisarnermillu sungiusarneqarnissaa.

§ 8. Narsaateqarnermik ilinniartitsissutinik atuartitsinermi lektionit 170-it missaanniipput, ima agguanneqarajuttartussat:

- 1) Naasut naatitaasartut..... lekt. 20.
- 2) Nunap qaavata issortaanik ilinniarneq... lekt. 10.
- 3) Narsaammi ajoqutaasinnaasut..... lekt. 15.
- 4) Naggorissaatit..... lekt. 35.
- 5) Naasorissaaneq..... lekt. 60.
- 6) Naatsiiveqarneq..... lekt. 30.

Imm. 2. Narsaateqarnermik ilinniartitsissutinik atuartitsinermi siunertarineqarput:

- 1) Naasut naatitaasartut pillugit atuartitsissummi ilinniartup naasut morfologiiannik (pissusiinik) fysiologiiannillu ilisimasaqalernissaa, kiisalu ilinniartup ivikkanik naatinneqartartunik naatitanillu allanik savaatilittut inuussutissarsiuteqarnermut pingaaruteqartunik ilinniarnissaa.
- 2) Nunap qaavata issortaa pillugu atuartitsissummi ilinniartup issumi stoffinik inuussutissanik tamakkualu sananeqaataannik ilisimasaqalersinnissaa.
- 3) Narsaammi ajoqutaasinnaasut pillugit atuartitsissummi ilinniartup uumasunik ajoqutaannaasunik, naasupilunnik nappaatinillu ilisimasaqalersinnissaa, kiisalu ajoqusiisartunik tamakkuninnga akiuiniarnermi periaatsinik ilinniartinnissaa.
- 4) Naggorissaatit pillugit atuartitsissummi ilinniartup naasut stoffinik inuussutissanik pisariaqartitsinerannik, (naggorissaatit) pissarsissutaasarnerannik amigaateqarnerullu ilisarnaqutaannik ilisimasaqarnikkut naggorissaatinik assigiinngitsunik atuisanerup iluaqutaassusianut paasinninnissaa, aammalu ilinniartup narsaatinik naggorissaasiisarnermut kiisalu tamatumunnga atasmik

aningsartuuteqartarnermut tunngasunik ilisimasaqalernissaa.

5) Naasorissaaneq pillugu atuartitsissummi ilinniartup siaruarteriffissanik piareersaanermik, narsaatilerinermik, inerittunik katersuineramik naatsiffiusunillu ingerlatsinermik sungiusarneqarnissaa.

6) Naatsiiveqarneq pillugu atuartitsissummi ilinniartup naatsiiveqarnerup qanoq ingerlanneqarsinnaaneramik ilisimasaqalernissaa, kiisalu naatsiivimmi naatitaasartunik naatitsisarnermi periaatsinik ilisimaqqaagassanik ilinniartinnissaa.

§ 9. Ingerlatsinermi siulersuineramik aningaasanullu tunngasunik ilinniartitsissutinik atuartitsinermi lektionit 435-t missaanniipput, ima agguanneqarajuttartussat:

- 1) Ingerlatsinermik siulersuineq..... lekt. 155.
- 2) Siunnersortitut sulineq..... lekt. 25.
- 3) Misilittaaneermik ilinniarneq..... lekt. 30.
- 4) Aningaasaqarniarneq..... lekt. 120.
- 5) Uteqqiineq soraarummeernerlu..... lekt. 105.

Imm. 2. Ingerlatsinermi siulersuineramik aningaasanullu tunngasunik atuartitsinermi siunertarineqarput:

- 1) Ingerlatsinermi siulersuineramik atuartitsissummi ilinniartup savaatilittut inuussutissarsiuqartarnermi maleruagassanik, siulersuineramik savaateqarfimmilu pilersaarusiornermik ilisimasaqalernissaa, kiisalu ilinniartup ataatsimut isiginnilluni pingaarnertut naammassiniagassamik suliaqarnikkut, naleqq. § 16, savaateqarfiup savaatilittullu inuussutissarsiornerup ataatsimut isigalugit ineriartortinnissaannut paasisimasaqalersinnissaa.
- 2) Siunnersortitut sulineq pillugu atuartitsissummi atuartup siunnersortitut sulinerup savaatilimmut pingaaruteqarneranik paasinninnissaa.
- 3) Misilittaasarneq pillugu atuartitsissummi ilinniartup misilittaasarnermi periaatsinik ilisimaqqaagassanik ilinniartinnissaa, paasisat suliaqqinneqartarnerannut tunngasunik ilisimasaqalernissaa, kiisalu misilittaasarnerup siunnersuisarnermut tamatumalu kingunerisaanik savaateqarnermik ingerlatsinermut pingaaruteqarneranik paasinninnissaa.
- 4) Aningaasanut tunngasunik atuartitsissummi ilinniartup naatsorsuuserinermik ingerlatsinerullu aningaasartuutaasarnanut tunngasunik ilinniartilluarnissaa kiisalu aningaasanut tunngasunik missingersuusiortarnermik paasinnitsilluarnissaa, aammalu ilinniartup aningaasalersuisarnermik tapiissuteqartarnermillu aaqqissuussinernik ilisimasaqalersinnissaa.

§ 10. Tunngaviusumik ilinniartitsissutinik atuartitsinermi lektionit 210-t missaanniipput, ima agguanneqaraj uttartussat:

- 1) Kemii..... lekt. 40.
- 2) Kalaallit oqaasii..... lekt. 30.
- 3) Kisitsineq..... lekt. 30.
- 4) Inuiaqatigiinnut tunngasut..... lekt. 30.
- 5) Ikiueqqaarneq..... lekt. 24.
- 6) Sulineramik ilinniarneq timilu..... lekt. 20.
- 7) Aallarniineq misilitsinnerlu..... lekt. 36.

Imm. 2. Tunngaviusumik ilinniartitsissutinik atuartitsinermi siunertarineqartut tassaapput:

- 1) Ilinniartitsissummi kemiimi ilinniartup tunngaviusumik paasisimasassanik kemiimut tunngasunik

ilisimasaqarsinnaanngornissaa taamaalilluni ilinniartitsissut taanna ilinniarnermi atuagarsorluni atuartitsinermi savaateqarfimmilu sulinermini tunngavissatut atorsinnaanngussallugu.

2) Kalaallit oqaasiinik ilinniartitsissummi ilinniartup oqaatsinut taakkununga naalaarnissamut, oqalunnikkut atornissaannut, atuarnissaannut allannissaannullu ima pisinnaatigilernissaa nakimaatsumik allanngorartumillu atorsinnaalersimassallugit.

3) Kisitsinermik ilinniartitsissummi ilinniartup nammineerluni allanillu suleqateqarluni pisinnaalersinneqarnissaa savaateqarfimmik ingerlatsinermi kisitassanut tunngasutigut ajornartorsiutinik paasinninnissamut, oqaatiginninnissamut aaqqiiniartarnissamullu. Ilinniartup tamanna aqqutigalugu kisitsineq atorsinnaalissavaa najukkaminni inuunermi sakkutut atorsinnaasutut ilinniarnermi atuagarsorluni atuartitsinermi tunngavissatut.

4) Inuiaqatigiinnut tunngasunik ilinniartitsissummi ilinniartup Kalaallit Nunaanni inuiaqatigiinni inuussutissarsiornermilu pissutsinik paasisimasaqalernissaa.

5) Ikiueqqaarnermik ilinniartitsissummi ilinniartup ikiueqqaarnissamut pisinnaanngortinnissaa savaateqarfimmi, angerlarsimaffimmi, suliffiup nalinginngisaani, angallannermi ima sualutsigisumik ajutoortoqartillugu imaluunniit napparsimaruluttoqartillugu, ajutoortoq imaluunniit napparsimasooq uumatinniartariaqarluni passussilluarsinnaasumik takkuttoqar-nissaata tungaanut. Taamattaq ilinniartooq pisinnaanngortinniarneqassaaq aqqunarnerit sulisinnaajunnaarnermik pisussinnaajunaarnermilluunniit kinguneqarsinnaajunnaarsarnissaannut, kiisalu nakorsamit ikiorneqarnissaaq pisariaqanngippat ajoqusernermik annikinnerusunik suliarinnissinnaalernissaannut.

6) Sulinermik ilinniarnermik timimillu ilinniartitsissummi ilinniartooq suliffimmini isumannaallisaatinut suliffimmilu pissutsinut tunngasunik ilisimasaqalersinniarneqassaaq, pisinnaanngorsarneqassallunilu suliaminik pitsaasumik siunertarisaasunullu naapertuuttumik sulisarnissamut, taamaalilluni ajoqusernerit ajutoornerillu pinaveersimatissinnaaqullugit.

§ 11. Assessorissanik ilinniartitsissutinik atuartitsinermi lektionit 175-it missaanniipput, ima agguanneqaraj uttartussat:

- 1) Motoorilerineq..... lekt. 35.
- 2) Sananeq..... lekt. 20.
- 3) Titartaaneq..... lekt. 15.
- 4) Sannatilerineq..... lekt. 10.
- 5) Illut qanoq sananeqartarnerat..... lekt. 10.
- 6) Maskiinalerineq..... lekt. 50.
- 7) Innaallagialerineq..... lekt. 15.
- 8) Qalipaaneq..... lekt. 20.

Imm. 2. Assessorissanik ilinniartitsinermi siunertarineqartut tassaapput

- 1) Motoorilerinermik ilinniartitsissummi ilinniartup motorit solaritortut benziinatortullu, tamakkununga ilanngullugit qamutini nunakkut angallatini, suliffinni atorneqartartuni immakkullu angallatini motorit, ingerlasarneri pillugit ilisimasaqalernissaa.
- 2) Sananermik ilinniartitsissummi ilinniartup illuliornermi iluarsaanermilu periaatsinik atortussanillu nalinginnaasumik atorneqarnerusartunik ilisimasaqalersinnissaa.
- 3) Titartaanermik ilinniartitsissummi ilinniartup pingaartumik illut titartagartaannik

misissuisinnaanissamut tunngaviusunik ilisimasaqalernissaa.

4) Sannatilerinermik ilinniartitsissummi ilinniartup sannatit maskiinallu nalinginnaasut paarineqartarnerannik navialiffiginagillu atornissaannut malittarisassanik ilisimasaqalernissaa.

5) Illut qanoq sananeqartarnerannik ilinniartitsissummi ilinniartup illut anginerusut sananeqartarneranni periaatsinik ilisimasaqalernissaa.

6) Qalipaannermik ilinniartitsissummi ilinniartup qalipaannermi, pingaartumik illunik aserfallattaaliuinermi, periaatsinik atortunillu ilisimasaqalernissaa.

7) Maskiinalerinermik ilinniartitsissummi ilinniartup ilisimasaqalersinnissaa maskiinat ingerlasarnerannik, tamatumunga ilanngullugit gearit allanngortittarnerannik, kæde- aamma remtrækkini, nukinnik allamut nuussisarnermik, kuglelejerinik, hydraulikkimik aserfallatsaaliuinermillu.

8) Innaallagialerinermik ilinniartitsissummi ilinniartup elektriciteti pillugu ilisimaqqaagassanik kiisalu savaateqarfimmut sarfamik pilersuisinnaanermik ilisimasaqalersinnissaa.

§ 12. Ilinniarfigisamiinnermi sulilluni sungiusagassanik atuartitsinermi lektionit 1225-t missaanniipput, ima agguanneqaraj uttartussat:

- 1) Nerlersuineq..... lekt. 280.
- 2) Nerukkaatissanik nussuineq..... lekt. 30.
- 3) Savanik katersuineq..... lekt. 105.
- 4) Savanik nalunaarsuineq toqqartuinerlu... lekt. 55.
- 5) Nuliartitsinneq (savani)..... lekt. 40.
- 6) Piaqqineq (savani)..... lekt. 200.
- 7) Savanik paarsineq nappatsaaliuinerlu.... lekt. 10.
- 8) Kussiorneq aqqusinniornerlu..... lekt. 30.
- 9) Narsaatiliorneq..... lekt. 80.
- 10) Narsaammik aserfallattaaliuineq..... lekt. 15.
- 11) Katersuineq, panertitsineq aallernerlu.. lekt. 140.
- 12) Ungalut..... lekt. 40.
- 13) Misilittaanermik ilinniarneq..... lekt. 30.
- 14) Naatsiiveqarneq lekt. 40.
- 15) Maskiinalerineq..... lekt. 40.
- 16) Savaateqarfinnut takusaaneq..... lekt. 65.
- 17) Savanit pisunik nioqqutissiorneq..... lekt. 25.

Imm. 2. Sulilluni sungiusagassanik atuartitsinerup siunertaraa (atuagarsorluni) atuartitsinerup sulinermik ilaqartinnissaa, taamaalilluni ilinniartoq inuussutissarsiutip suliassartaanik sungiusarneqqaqqullugu aammalu periaatsit atuagarsornermi sammineqarsimasut atornissaannik paasinneqqullugu.

§ 13. Ilinniartitaanermut ataatsimiititaliap atuarfiup pisortaata inassuteqarneratigut immikkut pissutissaqartillugu § 7-imiit 12-imut ilinniartitaanerit ilaannit ilinniartoq peqataatinngitsoorsinnaavaat.

§ 14. Sulilluni sungiusarnermi Kalaallit Nunaanni, Islandimi imaluunniit Norgemi savaatilinniiffiusussani lektionit 3620-t missaanniipput.

Imm. 2. Sulilluni sungiusarfinniittarnerit siunertaraat ilinniartup inuussutissarsiutip suliassartaanik,

tamakkununga ilanngullugit nersutaateqarnermik aamma narsaateqarnermik, ingerlatsinermut aningaasanullu tunngasunik, sungiusarneqarnissaa, kiisalu ilinniartumut malugeqqullugu ukiup ingerlanerata savaateqarfimmilu inuunerup allanngorartarnerat. Siunertaasut ilagaattaaq ilinniartup savaatilittut inuussutissarsiuteqarnermik ingerlatsilluarsinnaanngorlunilu ilisimasaqalernissaa, ilinniarnernit ineruni inuussutissarsiutip suliassartaanik nammineerluni aaqqissuisinnaanngorlunilu isumaginnissinnaanngooqqullugu.

§ 15. Ilinniartut savaateqarfimmeersut sulilluni sungiusarnek, ilaannaaluunniit, savaateqarfimmi tassani ingerlassinnaanngilaat.

Imm. 2. Sulilluni sungiusarnek ilinniartitaanermut ataatsimiititaliap immikkut ittunik pissutissaqartillugu ilinniarfiup pisortaata inassuteqarnera malillugu sivikillisissinnaavaa imm. 1-imilu aalajangersagaq sanioqqunneqartissinnaallugu.

§ 16. Ilinniartitaanerup ukiuani kingullermi ilinniartuq immikkut ilinniagassamik toqqaassaaq ilinniartitsisumik ilitsersuisoqarluni annertunerusumik sammisassaminik.

Imm. 2. Immikkut sammisassaqaqtitsinikkut siunertarineqarpoq ilinniartup suliffigilerumaakkaminut tunngasumik sulissutigisinnaasaminik namminersuutigalugu allaaserinnissinnaanissaa inerneranillu naliliisinnaanissaa.

Imm. 3. Immikkut sammisaq ilinniartitsissutinik §-ini 7-imiit 9-mut § 11-milu taaneqartunik kattutaarinerussaaq, qaqutigulli ilinniartitsissummut ataasiinnarmut tunngasuusinnaalluni.

Imm. 4. Immikkut sammisaqarneq naggaserlugu ilinniartuq nalunaarusiussaaq.

§ 17. Ilinniartut ilinniartitsinermut najuuttussaatitaapput, imaalilluguli, ilinniarnermut ilaasussanngorlugu ilinniartup piffissaminik nammineq paarsisinnaanngorniarnissaa, taamaalilluni sulineq ilinniarnerlu ajunngitsumik nakkutigineqarsinnaanngorlugit.

Imm. 2. Kultureqarnermut, Ilinniartitaanermut Ilisimatusarnermullu Pisortaqaarfik najuuttussaatitaanermut maleruagassaliorsinnaavoq.

Kapitali 4

Naliliineq misilitsinnerillu

§ 18. Ilinniartuq ilinniartitaaneq tamakkerlugu ilinniartitsinermi qanoq pissarsiaqarsimanersoq ilinniarfiup akuttunngitsumik misilittassavaa ilinniarnernanilu siunnersorneqarnissaaq neqeroorfigissallugu.

§ 19. Ukioq siulleg ilinniarfimiinnerup naalernerani allatarissanik misiliineqassaaq uumasuuteqarnermik narsaateqarnermillu ilinniartitsissutit pingaartinnerullugit.

Imm. 2. Ilinniartuq ilinniarnerninik ingerlatitseqqissinnaassaguni misiliinnermi tassani minnerpaamik 6-imik karakteereqassaaq.

§ 20. Kingullermik ilinniarfimiinnerup naalernerani allattariarsorluni misilitsinnerit marluk ingerlanneqassapput aningaasaqarniarnermik ingerlatsinermillu pilersaarusiornermik ilinniartitsissutit aallaavigalugit.

Imm. 2. Aammattaq ilinniarnernup ukiuani kingullermi atuarfimmiinnerit arlaanni assessorissanik ilinniartitsissutini allattariarsornermik misiliineqassaaq.

§ 21. Ilinniarfimmiinneq kingulleq naatinngu § 16 naapertorlugu immikkut ilinniakkamik ilinniartup toqqagaanik ilinniartitsissullu akuerisaanik oqaluttariarsorluni soraarummeersitsisoqassaaq.

Imm. 2. Soraarummeernermi tassani tunngavigineqassaaq ilinniartup nalunaarusiarisimasaa immaqalu sungiusarluni sulinermi naamassisaasut ilaat.

§ 22. Soraarummeernermi 13-skala atorineqassaaq, tamanna pillugu Namminersornerullutik Oqartussat aalajangersagaat naapertorlugu. Soraarummeernerni tamani ataatsimik ataatsimoortumik karakteriliisoqassaaq.

Imm. 2. Taamaattorli assessornermik ilinniartitsissutini naliliinermi angusivoq/angusinngilaq atorineqarsinnaapput.

§ 23. Savaatilittut ilinniarneq angusiffussappat ilinniartup immikkut ilinniakkami karakteri minnerpaamik 6 aamma soraarummeerutigisani oqimaalutarluakkamik agguaqatigiissillugu minnerpaamik 5,5 angusimassavai.

Imm. 2. Imm. 1 malillugu oqimaalutarluakkamik agguaqatigiissillugu angusaq ilinniartitsissutini ataasiakkaani oqimaalutaaneq imaattoq atorlugu naatsorsorneqassaaq:

- 1) Narsaaserinermik ilinniartitsissutit oqimaalutarneqassapput 20%-imik.
- 2) Nersutaateqarnermik ilinniartitsissutit oqimaalutarneqassapput 20%-imik.
- 3) Aningaasaqarniarnermik ilinniartitsissutit oqimaalutarneqassapput 30%-imik.
- 4) Ingerlatsinermit pilersaarusiornermik ilinniartitsissutit oqimaalutarneqassapput 30%-imik.

Imm. 3. § 19, § 20 aamma § 21 malillugit soraarummeernerit nalilerneqassapput atuartitsissummi ilinniartitsisumit aamma nalileeataasartumit, Kultureqarnermut, Ilinniartitaanermut Ilisimatusarnermullu Pisortaqaarfimmit nalileeataasussanngortitaasumit.

Imm. 4. Naliliinermi isumaqatigiinngittoqartillugu karakteriliunneqartut marluk agguaqatigiissinnerat atorineqassaaq, kisitsit ilivitsuussappat. Agguaqatigiissitsinerup inernera karakterskalami karakterit marluk akornanniippat kisitsimmut ilivitsumut qaninnermut qaffanneqassaaq nalileeataasup karakteriliussaa anneruppat, kisitsimulli ilivitsumut qaninnermut appartinneqassalluni nalileeataasup karakteriliussaa minneruppat. Taamaattorli karakteri "13" aamma "0" karakteriliunneqassapput tamanna ilinniartitsisup nalileeataasullu isumaqatigiissutigippassuk.

§ 24. Ilinniartuq soraarummeersimanngippat imaluunniit angusisimanngippat soraarummeernermut tassunga marloriarlugu inassutigeqqinneqartarsinnaavoq.

Imm. 2. Ilinniartitaanermut ataatsimiititaliaq immikkut illuinnartunik pisoqartillugu imm. 1-imik saneqqutsititsisinnaavoq.

§ 25. Ilinniartunut uppersaaserneqartumik napparsimanermik allamilluunniit akuerisaasumik akornuteqarnermik pissuteqartumik aalajangeriigaasumik soraarummeernermi peqataasimanngitsunut napparsimasimasunut soraarummeersitsinermik soraarummeersitsisoqarsinnaavoq.

Imm. 2. Napparsimasimasunut aamma soraarummeeqqittussanut soraarummeersitsisoqartassaaq kingusinnerpaamik tullianik nalinginnaasumik soraarummeertoqarnerani.

Kapitali 5

Ilinniarsimanermut uppersarsaat

§ 26. Angusilluni sorarummeernerup kingornagut savaatilissatut ilinniarnernup naammassisimaneranut uppersarsaat ilinniarfimmit tunniunneqassaaq. Uppersarsaammi tassani allassimassapput misilitsinnerni karakterit, §-it 19-imiit § 21-imut naapertorlugit, immikkut allaaserisap taaguutaa tassungalu karakteriliussaq, kiisalu ilinniartitsissutit ilinniarnermi ingerlanneqarsimasut.

Imm. 2. Aammattaaq ilinniarfiup naatsumik oqaaseqarfigissavai ilinniartup qanoq malinnaatigisimanera, soqutigisaqarnera suleqatikkuminarneralu, ilaallu ilanngullugit.

Kapitali 6

Naammagittaalliorneq, misilittaalluni aaqqissuussinerit aarnna atortuulorfissaa

§ 27. Ilinniakkanut tunngasut pillugit nalunaarut una naapertorlugu ilinniarfiup aalajangiinerinut naammagittaalliuutit aalajangiinerup tiguneranit sapaatit akunneri sisamat qaangiutsinnagit ilinniartitaanermut ataatsimiititaliamut suliaassanngortinneqarsinnaapput.

Imm. 2. Allat ilinniakkanut tunngasuunngitsut pillugit nalunaarut una naapertorlugu ilinniarfiup aalajangiineri aalajangiinerup tiguneranit sapaatit akunneri sisamat qaangiutsinnagit Kultureqarnermut, Ilinniartitaanermut Ilisimatusarnermullu Pisorta qarfiup suliaassanngortinneqarsinnaapput.

§ 28. Kultureqarnermut, Ilinniartitaanermut Ilisimatusarnermullu Pisorta qarfiup ilinniartitaanermut ataatsimiititaliap inassuteqarnera malillugu misilittaaneermut imaluunniit ilinniartitsinermik inerisaanissamut atasumik nalunaarummit uannga allaassuteqartitsigallartarnissat akuerisarsinnaavai.

§ 29. Nalunaarut una atortuulissaaq septembarip aallaqqaataani 1994-imi, atuartunut ilinniarnerminnik aggustip 1994 aallaqqaataata kingornagut aallartitsisunut sunniuteqarluni.

Imm. 2. Ulloq taanna atorunnaassaaq savaatilinnngorniartut ilinniartitaasarnarat pillugu Namminersornerullutik Oqartussat nalunaarutaat nr. 6, 1. juni 1983-imeersaq.

Namminersornerullutik Oqartussat, ulloq 12. september 1994.

Marianne Jensen

/

Aqigssiaq Møller

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut